

Sveitarfélagið Árborg, kt. 650598-2029, og byggðasamlagið Bergrisinn bs gera með sér eftirfarandi samning um sameiginleg verkefni byggðasamlagsins á sviði þjónustu við fatlað fólk á Suðurlandi sem Sveitarfélagið Árborg annast:

1. gr.

Sérhæfð ráðgjöf

Félagsþjónusta Sveitarfélagsins Árborgar annast sérhæfða ráðgjöf og nokkra sértæka þætti fyrir félagsþjónustusvæðin þrjú. Sérhæfð ráðgjöf er skilgreind með eftirfarandi hætti:

1.1 *Ráðgjöf og stuðningur við fjölskyldur fatlaðra barna yngri en 18 ára:*

- Ráðgjöf við fjölskyldur, leik- og grunnskóla og aðrar stofnanir er tengjast hinum fatlaða.
- Stuðningur, kennsla og þjálfun foreldra vegna fatlaðra barna þeirra.
- Samþætting í samráði við hvert félagsþjónustusvæði á þeirri þjónustu sem veitt er og vera milliliður við aðrar stofnanir s.s. Greiningar- og ráðgjafarstöð ríkisins, iðjuþjálfar, sjúkráþjálfar o.fl.

1.2 *Þjónusta iðjuþjálfar, skv. samningi við HSU:*

- Iðjuþjálfari starfar í 20% starfi fyrir allt þjónustusvæði Suðurlands í málefnum fatlaðs fólks. Starfshlutfall hans er hluti af samningi á milli Heilbrigðisstofnunar Suðurlands, þjónustusvæðisins og skólaþjónustanna þriggja um samnýtingu á fullu stöðugildi iðjuþjálfar. Hlutverk iðjuþjálfar er að veita 18 ára og eldri ráðgjöf.

1.3 *Ráðgjöf og handleiðsla til starfsmanna félagsþjónusta*

- Ráðgjöf og handleiðsla til starfsmanna félagsþjónustusvæðanna.

1.4. *Aðrir sértækir þættir*

- Greiðsla kostnaðar starfsmanns vegna fatlaðra nefndarmanna í notendaráði.

2. gr.

Stuðningur við þjónusturáð

Félagsþjónusta Sveitarfélagsins Árborgar annast, í umboði þjónusturáðs, ut anumhald um sameiginleg verkefni á sviði stefnumótunar, eftirlits, gæðastjórnunar, árangursmats, upplýsingasöfnunar og skýrslugerðar.

3. gr.

Þjónusta við stjórn byggðasamlagsins

Sveitarfélagið Árborg annast þjónustu við stjórn byggðasamlagsins og þjónusturáð, ásamt umsýslu rekstrarsjóðs þjónustusvæðisins, þ.m.t. áætlanagerð og eftirlit vegna rekstrarsjóðs þjónustusvæðis og umsjón með gerð sameiginlegs ársreiknings byggðasamlagsins.

4. gr.

Rekstur sérhæfðra þjónustueininga

Sveitarfélagið Árborg annast rekstur eftirtalinna sérhæfðra þjónustueininga fyrir allt þjónustusvæðið: Skammtímadvöl, VISS, vinnu- og hæfingarstöð og heimili fyrir börn með sólarhringsþjónustu. Auk þess annast sveitarfélagið umsýslu vegna samninga um NPA og beingreiðslusamninga.

5. gr.

Greiðslur

Fyrir eftirtalda þætti sem Sveitarfélagið Árborg tekur að sér fyrir allt þjónustusvæðið fær Sveitarfélagið Árborg greitt skv. eftirfarandi á ársgrundvelli:

5.1 Vegna þátta sem 1. og 2. gr. samnings þessa fjallar um (sérhæfð ráðgjöf og verkefni fyrir þjónusturáð):

- launakostnaður ráðgjafaproskajálfa í einu stöðugildi og iðjubjálfa í 20% stöðugildi, ásamt launatengdum gjöldum, aksturskostnaður og skrifstofukostnaður (kostnaður vegna vinnu notendaráðs hjá Fræðsluneti Suðurlands) kr. 18.617.000
- greiðslur skv. þessum lið verða inntar af hendi með jöfnum mánaðarlegum greiðslum.

5.2 Vegna þátta sem 3. gr. samnings þessa fjallar um (rekstrarsjóður og þjónusta við stjórn byggðasamlagsins):

- kostnaður við fjármálastjórn, áætlanagerð og uppgjör kr. 2.681.066.
- kostnaður við yfirstjórn kr. 2.681.066.
- greiðslur skv. þessum lið verða inntar af hendi með jöfnum mánaðarlegum greiðslum.

5.3 Vegna þátta sem 4. gr. samnings þessa fjallar um (rekstur sérhæfðra þjónustueininga):

- Sveitarfélagið Árborg fær greiddan kostnað við rekstur sérhæfðra þjónustueininga skv. fjárhagsáætlun ársins fyrir viðkomandi stofnanir. Verði rekstrarafgangur fer hann í rekstrarsjóð en ef rekstur fer yfir áætlun skal mismunur gerður upp í lok árs.
- Sveitarfélagið Árborg og Sveitarfélagið Ölfus munu gera sín á milli sérstakan samning um þjónustu við fatlaða um rekstur VISS, vinnu- og hæfingarstöðvar í Þorlákshöfn. Fagleg yfirstjórn verður á höndum VISS, vinnu – og hæfingarstöðvar á Selfossi.
- greiðslur skv. þessu fyrirkomulagi verða inntar af hendi með jöfnum mánaðarlegum greiðslum.
- Sveitarfélagið Árborg og Hrunamannahreppur gera með sér sérstakan samning um þjónustu við fatlað fólk um rekstur VISS, vinnu- og hæfingarstöðvar á Flúðum. Fagleg yfirstjórn verður á höndum VISS Selfossi.



6. gr.
Endurskoðun

Endurskoða skal allar fjárhæðir skv. 5. gr. í lok hvers árs.

7. gr.
Gildistími

Samningur þessi gildir frá 1. janúar 2019 til 31. desember 2019. Breytist forsendur samningsins geta samningsaðilar farið fram á endurskoðun hans. Við mat á því hvað teljast breyttar forsendur vísast til 12. gr. þjónustusamnings um málefni fatlaðs fólks.

Selfossi, _____ 2019

F.h. Sveitarfélagsins Árborgar

F.h. Bergrisans bs